



Баъзида инсон хаётига ўзи кутмаган холатда, юлдузли даврлар кириб келаркан ва бу давр ўзининг нурафшонлиги, омадбахшлиги, саодатмандлиги билан киши хотирасида, тақдирида ўчмас из колдиракан.

90-йиллар бошида, Ўзбекистон Ёзувчилар уюшмасида, Куръони Каримнинг таржимаси хусусида бир неча бор мухокамалар бўлиб ўтди ва уни таржима килиш атоли арабшунос олим Алоуддин Мансурга топширилди. Алоуддин Мансур номзодини, ўша пайтда Ёзувчилар уюшмасида биз билан бирга хизмат килувчи адабий маслаҳатчи, олим Анвар Турсун кўтариб чиккан ва бу таклифни шайх Мухаммад Содик Мухаммад Юсуф, академик Алибек Рустамов, Ёзувчилар уюшмасининг ўша пайтдаги Раиси Одил Ёкубовлар кўллаб-куватлаган эди.

Таржима “Шарқ юлдузи” журналида бобма-боб чоп этиладиган бўлди.

Таржима жараёни икки йилга чўзилди. Менинг кўшган кичкинагина хиссам шунда эди-ки, таржима килинган кисмларни Корасув шахридан келтиришда кўмаклашар, кўлёзма холатидан машинка ёзуви холатига ўгиришда кўлим тегиб, шу баҳонада домланинг сухбатларига мушарраф бўлардим.

Таржима, миллий ва маънавий хаётимиз тарихида инкилоб бўлди ва у истиклолимиз эришган энг катта ютуклардан бири сифатида эътироф этилди.

Улкан дарё суви миллион-миллион ахоли яшовчи шахар хаётига сингиб, турмуш тарзини обод килганида, фаровонлик келтирганида, уларнинг барини бирма-бир ёзиб, таърифлаб бўлмаганидай, бу таржиманинг оламшумул хусусиятини, юртдошларимизни Каломуллоҳ мазмуни билан ошно килишдаги буюк хизматини таърифлашнинг имкони йўқ. Аллома Алоуддин Мансур, замонамизнинг Абу Хомид Газзолий сингари етук олими экан. Истиклол шабадаси эндиғина эсаётган ўша йилларда, мустабид тузум келиб-кетувчи ёвуз мағкуралар заҳри инсон шахси, аклу-заковатини ёмиришга канчалик ўткир тиг билан йўналтирилмасин, Худо асрраган кишилар омон колиши ва ўзбек миллати ўз буюклигини хеч качон йўқотмаслигига, мана шу инсон сиймосида яна бир бор икрор бўлгандим.

Журналистлигимга бориб, ўша йиллар домладан эшитган жавохир сўзларни ён дафтаримга ёзиб олган эканман, эндиликда уларни омонат сифатида, сизларга тақдим этмоқдаман. Зеро, олмос йиллар ўтса хам ўз кийматини йўқотмайди ва улар сизнинг кўнгил мулкингиздаги дурданалар бўлиб колишига умидворман.

Мухаммад Исмоил

“Олим ёки толиби илм, олимларни тингловчи ёки илмни суювчи бўлинг. Илмнинг душмани бўлишдан сакланинг, акс холда халок бўласиз, - дегандилар пайгамбаримиз Мухаммад алайхиссалом. Худди шунингдек инсон хар канча шаккок бўлмасин, вужудида яратганга иймон келтириш хисси борлигини доимо сезади. Бу туйгусиз у халок бўлишини хам билади. Энг муҳими бу туйгуни йўкота олиш инсоннинг кўлидан келмайди.

Пайгамбаримиз самога бокиб, ”шундай анвар юлдузларни яратиб кўйган Аллоҳга нега одамлар иймон келтирмайдилар-а, - дея йиглаган эканлар. Юлдузларни одамлар йўкотолмаганлариdek, калбларидағи Аллоҳга бўлган иймонни хам йўкотаолмайдилар. Факат, бугунги куннинг фожеаси биз ўз кўнглимиздаги иймонга эътиборсиз бўлиб колган эдик.

Аввало Куръонни факат бир адабий асар деб караш тўгри эмас. Бу илохий Китоб Тангрининг борлигига иймон келтирган кишига биринчидан Яратганинг кандай зот эканини танитади, сўнgra инсонга инсоннинг ким эканини, бу дунёга нима учун келганини, зиммасида кандай вазифалар борлигини ва яратган билан кандай алока боглаши кераклиги, ўзи каби яралганлар, яъни атрофидаги олам билан кандай мумомала килиши лозимлиги... киска килиб айтганда кандай килиб, инсон ўзининг нисбатан киска умрини хакикий инсондай яшashi зарурлигини ўргатади. Шунинг учун хам бу Китоб мана 1400 йилдирки, дунёнинг хамма томонларида тиловат килиниб келмокда. Жаҳонда уни ўқимаган миллат, У таржима килинмаган тил йўқ хисоби. Бизнинг аждодларимиз хам уни яхши билишган, ўқиб амал килишган. Лекин афсуски неча ўн йилардан бўён халкимиз бу илохий асардан бебахра яшади. Унинг на ўзини, на таржима тафсирларини ўкиш имкониятига эга бўлди.

Хайрият бугунга келиб шоир айтмокчи:

Шукрким, ўтди жаҳолат даври, уйгонди жаҳон.
Эл эшитгай нени билсанг айт, хакикатдан гапир.

Куръонни ким томонидан кайси тилга таржима килинмасин унинг аслидек бўлмаслиги аниқдир. Чунки ундаги хар бир оят, хар бир калима, балки хар бир харф шу кадар топиб айтилиб, ўз ўрнига кўйилганки, бундай айтиш факат Яратганинг кўлидан келади, холос. Бу даъвойимизга Куръон нозил бўлган даврда юз берган бир воеа далил бўлса керак: Мухаммад алайхиссалом замонларида араб оламида адабиёт нихоят даражада ривожланган бўлиб, адиблар орасида тез-тез мусобакалар ўтказилиб турилар ва голибларнинг асарларини Каъба деворларига илиб кўйишар эди. Кунлардан бир куни сахоба (яъни, пайгамбаримиз билан хамсухбат бўлган мусулмон)лардан бири Куръондаги энг кичик сура бўлган “Кавсар” сураси ёзилган варакни голиб асарлар ёнига илиб кўяди. Шунда бу сурани ўкиган шоирлар бир овоздан “Бу башар сўзи эмас”, деб гувохлик берадилар. Шунинг учун уламолар Куръонни аслидек килиб таржима килиш мумкин эмас деб хисоблайдилар. Мен хам Куръоннинг ушбу ўзбекча таржимаси факат Куръон томонга бир кадам деб баҳоланиши лозим деб биламан.

Дархакикат Куръонда “Бу эслатмани (яъни Куръонни) Биз ўзимиз туширганмиз ва уни ўзимиз саклагувчимиз” мазмунидаги оят мавжуд. Асрлар оша мазкур оят Куръоннинг илохий Китоб эканини кайта-кайта исботлаб келмокда. Ўтмишни кўйиб турайлик, мана шу охирги асрда бу азиз Китобга карши канчадан-канча хуружлар бўлмади? Уни ўтга ёқдилар, дарёларга окиздилар, кабрларга кўмдилар. Бугина эмас. Яна Куръонни ёд олган, ёки хаётини шу илохий китоб асосида ўтказмокни истаган миллионлаб кишиларни йўкотиб юборишиди. Кейинчи? Кейин бошка миллионлар кўлларида, тилларида ва дилларида бир ҳарфи хам захаланмаган шу азиз Китоб билан пайдо бўлдилар. Ислом таълимотига кўра Куръон илохий китобларнинг сўнггисидир. Бинобарин уни то киёматгача йўкотмай, бузмай саклашни Тангри ўз зиммасига олган. Шу боисдан бошка илохий китобларга ўзгаришлар кириб, бузилгани холда (масалан, Инжилнинг 70 дан ортик таржималари бор, лекин асл нусхаси хеч каерда мавжуд эмас) Куръон Пайгамбар алайхиссаломга кандай нозил килинган бўлса шундай сакланмокда. Бу тўгрида япон олимлари жуда кизик тажриба ўтказдилар:

ХХ – аср мўъжизаси бўлган компьютер воситасида Куръондаги ҳарфлар, калималар, оятлар ва суралар ўртасидаги юксак мутаносибликни ва теран изчилликни, хамда унда камраб олинган мавзуулар ва амри-фармонларнинг ўлмас-ўчмас эканини кўриб улар бу китобни бир киши эмас, бутун бир академия хам ёзиши амри-махол деган хulosага келгандар ва бу тажриба хакида битилган рисолаларида адолатли бир фаразни ўртага ташлагандар: “Бизнинг асримиздаги айрим одамлар шу кадар тошбагир бўлиб кетганларки, хатто темир машина текшириб, исботлаб, иймон келтириб турган китобни хам инкор киладилар”.

Эътиқод нафакат кўнгил ободлиги, балки ҳар икки дунёнинг ободлигидир. Зотан илму-фан равнакининг ўзи инсониятни баҳтли килаолмайди. Билъакс эътиқоддан айру тушган илм одамзодни баҳтсизлик – халокат ёқасига олиб бориб кўйиши тайиндир. Дунёдаги бор илму-фалсафалар аклни тўлдиради, аммо кўнгилга озука беришга кодир эмас. Дилни факат пок эътиқод обод килади. Яъни эътиқодсиз дил-ҳароб бўлган дилдир. Инсоннинг зиммасида аклидан кўра калбининг ҳакки кўпроқдир. Инсоннинг тириклигини билдириб турадиган нарса хам унинг калбидир. Зоро сиз дам олганингизда миянгиз хам дам олади. Уни баъзан каттикрок, баъзан эса секинрок ишлатишингиз мумкин. Аммо бу беором калб дунёга келганингиздан кетгунингизча билсангиз-бilmасангиз, истасангиз-истамасангиз тинмасдан уриб-ишлаб туради. Демак ИНСОН деган оламнинг маркази - пойтахти калб бўлиб, уни пок эътиқод билан обод килмок бурчдир. Ажабки, эътиқод нопок дилларга сигмайди – худди шўр ерда гул унмагандек! Ажабки кўпинча ўша шўр диллар тоза кўнгиллар устидан, уларнинг эътиқодлари устидан куладилар – эътиқодсизлик эътиқоддан устун бўлиб олади. Лекин шундай кора кунларда хам юксак эътиқод эгалари иймон-эътиқодсиз яшагандан кўра ўз эътиқодлари йўлида курбон бўлишни шараф деб биладилар. Бунга тарихдан истаганча мисол топиш мумкин. Мана масалан Октябрь инкилобидан кейинги сургун ва киргинарда канчадан-канча улуг зотлар ўз эътиқодлари сабабли шахид бўлдилар. Кўконлик бир фозил мўйсафиднинг хикояси орадан йигирма беш йилдан ортик вакт ўтса хам кечагидек кулогим остида эштилаверади: 20-йилларда солдатлар кунда-кунора уламо ва фузалоларни шахар четидаги бир жарлик ёқасига олиб-келиб отишар, улар

кетганидан кейин, одамлар кўрка-писа келишиб шахидларни чукурдан тортиб чикиб кабристонга олиб бориб кўмишар эди. Биз болалар пана-пасткам жойларга яшириниб бу даҳшатни томоша килардик. Бир куни уч-тўрт кишини олиб келишиб, командир энди отишга буйрук бермокчи бўлиб турганида узокдан бир киши кўринди ва шошиб шу тарафга караб кела бошлади. Афтидан кўконликка ўхшамас эди. Якин келгач жар ёкасига тизиб кўйилган кишиларни кўрсатиб солдатлардан “Булар кимлар”? – деб сўради. Командир “Булар рухоний, диндор унсурлар бўлгани учун отувга хукм килингандар. Агар жонингдан умидинг бўлса йўлингдан колма” деб дўк-пўписа билан жавоб килди. Шунда халиги киши, “Ундей бўлса шошмай туринглар” – деб ўзи хам жар ёкасига, махбуслар ёнига бориб турди ва деди, - Мана энди отинглар. Сал кечиксам мен хам булар билан бирга кетмай, сенлар билан коларканман”.

Мана шу хикояни эшитганимдан бўён буюк туркигўй адилар – Абдуллох Кодирий, Абдулхамид Чўлпонларнинг ўлими хакида ўйлайман, уларнинг ночор, ноилож ўлиб кетганлар деган фикрни хеч кабул кила олмайман. Назаримда улар ўзгалар тирик колиши учун хар кандай разолатдан кайтмаётганларини кўриб турсаларда эътиқоддан кечиб яшайдиган хаётни ўз ихтиёрлари билан ташлаб, пок эътиқод билан шахид бўлишни ўз ихтиёрлари билан танлаб олганлар. Ва адашмаганлар. Зотан бу хаёт накадар ширин, накадар тотли бўлмасин эътиқоддан кечиб яшашга арзийдиган даражада кимматбаxo эмас.

Оёги ердан узилган одам жисман халок бўлса, калби осмондан узилган одам – эътиқоддан кечган одам рухан халок бўлади. Хакикий осмондан ажраб колган одам назаримда иссиқхонада – сохта осмон остида ўстирилган ўсимликка ўхшайди – на мазаси бор, на хиди. Чунки жон инсоннинг хеч качон ўлмайдиган асли-мохияти, жасад эса бир муддат кийиб юрилиб, эскириб, яроксиз холга тушгач ечиб кўйиладиган кийим каби нарсадир. Шунинг учун хам баданингизнинг бирон аъзоси касалланса, кесилса ё шилинса ўша аъзо эмас, балки жонингиз огриди. Мана шу аён хакикатдан кўз юмган киши адашади.

Хаёт накадар оғир, накадар аччик бўлмасин арзир-арзимас сабаб-бахоналар билан кечиб юборилаверадиган даражада арzon матоҳ эмас!

Шундай ривоят хам бор:

Ийсо хаворийларга “мол-дунё топиш харом” дедилар. Улардан бири «Нима сабабдан”, - деб сўради. “Чунки мол-дунё одатда харом йўл билан топилади” деди Ийсо. – “Агар халол йўл билан топилса-чи?” – деб сўралди.

- У холда харом ишларга сарф килинади”.
- “Агар халолдан топиб, халолга сарфланса-чи?”
- “Барibir харом – деди Ийсо – чунки ўша халолдан топиб, халолга сарфлаб юрган вактингда Тангрига ибодат килишдан коласан”.

Ислом динида эса бу масалага кенгрок каралади. Масалан пайгамбаримиз Мухаммад алайхиссалом сахобаларга шундай деганлар: “Бу дунё деб охиратидан кечган киши хам, охират деб дунёсидан кечган киши хам сизларнинг яхшингиз эмас. Балки хар иккисидан баҳрманд бўлган киши яхши кишидир”. Ислом ўша халол мөхнат билан дунё топиш ва уни

халол ишларга сарф килишни мухим ибодатлардан деб хисоблайди. Бу динда одам Тангрининг ердаги халифаси саналиб, дунёни обод, фаровон килиш хамманинг зиммасидаги бурч деб каралади. Ислом "Дунё топиш харом эмас, балки дунёга кул бўлиб колиш харом", дейди. Шунингдек ислом бирорвоннинг хакқидан хазар килишга буюради. Бунинг ибратли мисолларидан бири Пайгамбар алайхиссалом вафот килганларида бир кўйлакларини бола-чакаларининг нафакаси учун бир яхудийга ярим коп арпага кўйиб кетганларидир. Холбуки ислом давлатининг хазинаси у пайтда олтин кумуш билан тўла эди. Аммо у зот бу хазина фукаронинг хакки деб кўл теккизмаганлар.

Бутун Ер шари одамлари исломга кириб, хаммаёк исломобод бўлиб кетса хам, Аллохнинг буюклиқ сифатига заррача сифат кўшилиб колмайди, ёки аксинча, хамма диндан кайтиб, Ер юзининг барча инсонлари жаҳолат боткогига ботса хам, Аллохнинг буюклиқ сифатидан мисколчалик камайиб колмайди. Ким номоз ўқиса ўзи учун ўқийди, хаётини тиклаш, саодатли яшаш, киёматдаги мушкулотларини осон килиш учун ўқийди. Унинг тўгри йўлдан юриб топган хидоятига Аллоҳ мухтож эмас, ўша банданинг ўзи мухтождир.

Бизнинг аклимиз хам Ерга ўхшайди. Ер шўрхок, каттик ва курук бўлса, экин униб чикмаганидай, хидоят озукаси билан аклга ишлов бериб турилмаса, ундан яхши фикрлар униб чикмайди.

Исломда мартаба илмига караб белгиланади. Мабодо, 13 яшар бола 70 яшар кишидан кўра тўгрирок, кироати комилрок ўқиса, bemalol имомликка ўтавериши мумкин.

Одамнинг бошига хар куни ўйкунинг келиши, ўлимнинг хар кун келишидир. Одам ўйкуга кетганда ўлим диёрига борар, ўйгонганданда кайтиб келаркан. Худо, охиратни эслатиш учун, ўлимни эслатиш учун, ўйкуни чикарган.

Олим, халоллик, тўгрилик, хакгўйлик билан илм тўпласа, унинг курган бу иморати – масжидга ўхшайди.

Одамлар кўрсинг деб, ўкилган намоз,
Уларга килинган саждадир, холос.

Ер юзидаги хамма олимур-уламоларнинг ёзганлари, хатто Куръонга килган тафсирлари, Куръоннинг бир сатричалик кудратга эга бўлмайди.

Мусулмон одамнинг мусулмончилигининг биринчи белгиси, шукур килишидадир.

Дуо – ибодатнинг илигидир.

Куръон билан Куръоннинг таржимаси орасидаги фарқ Ер билан Осмончаликдир. Буюк Аллоҳ ва гуноҳкор банда орасидаги фарқ канча катта бўлса, Куръон ва унинг таржимаси орасидаги фарқ шунча каттадир.

Хатто Ислом давлатини кураман дея жаҳд килиш хам, бир манфаатни кўзлаб килинадиган харакатдир. Хакикий мусулмон хеч кандай манфаатни кўзламай, холис ният билан Аллоҳ ризолигига эришаман деб, ният килсагина, у хакикий мусулмон бўлади. Банда холис ният килмас экан, бирор манфаатни кўзлар экан, у хатто Ислом давлати курган бўлса хам, заррача савобга эришолмаслиги, Аллоҳ ризолигига етишолмаслиги мумкин.

Ва аксинча, у Аллоҳ розилиги учун ва факат Аллоҳ учун мисколча савоб иш килса, киёмат куни тогчалик магфиратга эришиши мумкин.

Мисол учун, итни бирор туртса, осмонга караб увиллар, ўзига етган жабр учун, Аллоҳга шикоят килар экан. Буни бирор унга ўргатмаган, буни унга Аллоҳнинг ўзи ўргатган.

Баъзи бир одамлар намоз пайти ўзларини сувга тушган балиқдек эркин тутадилар ва роҳатланиб намоз ўқийдилар. Баъзилар эса, кафасга тушган күшдек, бетокат бўладилар.

Биз намоздан олдин ўзимизни кайси тоифага мансублигимизни текшириб олайлик.

Рахимдиллик – инсондаги энг комил фазилатлардан биридир. Бу туйгуси шаклланмаган инсон, хайвондан хам пастрок даражага тушиб колиши мумкин. У Аллоҳдан энг узокда турган инсондир.

Онанинг ўз фарзандига мехри канчалик беътама бўлмасин, Аллохнинг ўз бандасига мехри ундан минг чандон беътама ва покроқдир.

Пайгамбаримиз ўз хаётлари давомида хамиша биринчи бўлиб салом берганлар ва бутун умрлари мобайнида у киши алик олган холат юзага келмаган.

Ибодат килиб юрган дўпписиз одам, дўппи кийиб ибодат килмайдиган одамдан минг бора афзалдир.

Мусулмон одам динидан айрилган захоти, хотинига талок тушади.

Ким кимдан кўркса, ўшанга banda бўлади.

Пайгамбаримизнинг сахобалари 124 минг нафар бўлган экан. Сахобалик шу кадар юксак макомки, ислом йўлидаги мингта вали, мингта муфтийнинг даражаси битта сахобаникига тенг келолмайди.

Ином Аъзам Раҳматуллоҳу алайх етти минг марта Куръонни хатм килган эканлар. Етти минг марта Куръонни хатм килиш – бу муттасил йигирма йил давомида хар куни бир бор тик туриб Куръонни тўлалигича ўкиш демакдир.

Куръон кишига кувват беришини шунда хам кўриш мумкинки, Ином Аъзам, хаётларининг сўнгги ўттиз йилида бирор марта оғизлари очик бўлмаган ва 83 минг масалани айтган эканлар.

Хаётимизнинг энг кимматли, энг гўзал дакикалари дунё бўйлаб килган сайру-саёхатлар, bogу-rogлар, ресторанлардаги чоғларимизда эмас, жойнамоз устидаги онларимиздадир. Биз хеч качон жойнамоз устидагидай азиз бўлмаймиз.

Ибодат - фаришталарнинг юмушларидандир.

Мухаммад Исмоил